



Llywodraeth Cymru  
Welsh Government

**Pecyn gwybodaeth i ymgeiswyr**

# **Panel Annibynnol Cymru ar Gydnabyddiaeth Ariannol**

## **Penodi Aelod**

**Dyddiad cau: 16:00, 25 Tachwedd 2020**



**The Commissioner for  
Public Appointments**

## **Panel Annibynnol Cymru ar Gydnabyddiaeth Ariannol**

**Cynnwys**

Tudalen

**Gwneud Cais**

**2-4**

**Atodiad A: Rôl y / Aelod**

**5-6**

**Atodiad B: Rôl a chyfrifoldebau Panel Annibynnol Cymru ar Gydnabyddiaeth Ariannol**

**8-9**

**Atodiad C: Y broses ddethol**

**10**

## Panel Annibynnol Cymru ar Gydabyddiaeth Ariannol

### Gwneud cais

Diolch am eich diddordeb ym mhenodiad Aelod o Banel Annibynnol Cymru ar Gydabyddiaeth Ariannol.

I wneud cais, ewch i wefan penodiadau cyhoeddus Llywodraeth Cymru yma: <https://cymru-wales.tal.net/vx/lang-cy/mobile-0/appcentre-3/brand-2/xf-f720fb1be1a1/candidate/jobboard/vacancy/7/adv/>

I wneud cais am y swydd hon, cliciwch ar y swydd wag ac yna cliciwch ar y botwm 'Gwneud cais' ar waelod y dudalen ar yr ochr chwith. Y tro gyntaf ichi wneud cais am swydd, bydd angen ichi lenwi ffurflen gofrestru ar gyfer system ceisiadau ar lein Llywodraeth Cymru. Dim ond unwaith y mae angen ichi gofrestru, a thrwy wneud hynny byddwch yn gallu dilyn hynt eich cais, ac unrhyw geisiadau eraill rydych yn eu hanfon, trwy eich cyfrif.

Ar ôl cofrestru, bydd modd ichi weld y ffurflen gais. I wneud cais, bydd angen ichi lanlwytho datganiad personol a CV i adran 'Rhesymau dros wneud cais' y ffurflen gais ar-lein.

### Datganiad Personol

Y datganiad personol yw eich cyfle i ddangos sut rydych yn bodloni pob un o'r meini prawf ym manyleb y person. Cewch chi benderfynu sut i gyflwyno'r wybodaeth. Fodd bynnag, dylech anelu at ddarparu enghreifftiau manwl sy'n dangos sut y mae eich gwybodaeth a'ch profiadau yn cyd-fynd â phob maen prawf, ac sy'n disgrifio eich swyddogaeth chi wrth gyflawni canlyniad penodol. Bydd hefyd o fudd i'r panel dethol os gallwch nodi'n glir pa dystiolaeth benodol sy'n berthnasol i ba faen prawf. Mae'n arfer cyffredin darparu paragraffau ar wahân mewn perthynas â phob maen prawf.

Ni ddylai'r datganiad personol fod yn hwy na dwy dudalen. Mae'n bosibl y caiff eich cais ei wrthod os bydd eich datganiad yn hirach na hyn.

### CV

Sicrhewch fod eich CV yn cynnwys manylion bras eich swydd bresennol neu ddiweddaraf, a'ch dyddiadau yn y rôl. Nodwch unrhyw benodiadau Gweinidogol presennol neu flaenorol.

### Geirdaon

Rhowch ddau enw cyswllt y gallwn gysylltu â hwy i ofyn am eirda (geirda cyflogwr a geirda personol). Dim ond ar gyfer ymgeiswyr llwyddiannus y byddwn yn gwneud hyn.

### Amserlen fras

Dyddiad cau:	25 Tachwedd 2020
Llunio rhestr fer:	w/c 30 Tachwedd 2020
Cyfweliadau:	w/c 11 Ionawr 2021

### Datganiad Amrywiaeth

Mae Llywodraeth Cymru o'r farn y dylai fod gan gyrff cyhoeddus aelodau bwrdd sy'n adlewyrchu cymdeithas Cymru - pobl o bob cefndir - er mwyn eu helpu i ddeall anghenion pobl a gwneud gwell penderfyniadau. Dyma pam mae Llywodraeth Cymru yn annog ystod eang ac amrywiol o unigolion i wneud cais am benodiadau i gyrff

## Panel Annibynnol Cymru ar Gydnabyddiaeth Ariannol

cyhoeddus. Rydym yn croesawu'n arbennig geisiadau gan bob grŵp sydd heb gynrychiolaeth ddigonol gan gynnwys menywod, pobl dan 30 oed, pobl o gefndir du, Asiaidd ac o leiafrifoedd ethnig, pobl anabl a phobl lesbiaidd, hoyw, deurywiol a thrawsryweddol.

### Hyderus o ran Anabledd

Mae Llywodraeth Cymru yn derbyn y diffiniad cymdeithasol o anabledd, sy'n cydnabod bod rhwystrau mewn cymdeithas yn gallu analluogi pobl sydd â nam neu gyflwr iechyd, neu sy'n defnyddio laith Arwyddion Prydain. Rydym wedi ymrwymo i ddileu rhwystrau fel y gall pob aelod o staff berfformio ar ei orau. Mae Deddf Cydraddoldeb 2010 yn defnyddio'r diffiniad meddygol o anabledd ("nam corfforol neu feddyliol sy'n cael effaith sylweddol a hirdymor ar allu person i gyflawni gweithgareddau arferol o ddydd i ddydd").

Rydym yn gwarantu y byddwn yn cynnig cyfweliad i unrhyw un sy'n anabl os yw ei gais yn bodloni'r meini prawf sylfaenol ar gyfer y swydd. Mae bodloni'r 'meini prawf sylfaenol' yn golygu bod rhaid ichi ddarparu tystiolaeth yn eich cais i ddangos eich bod yn bodloni'r lefel ofynnol ar gyfer pob cymhwysedd. Mae'n rhaid ichi hefyd feddu ar unrhyw gymwysterau, sgiliau neu brofiadau a ddiffinnir yn rhai hanfodol.

Rydym wedi ymrwymo i gyflogi a datblygu gyrfa pobl anabl. Os hoffech gael cyfweliad gwarantedig, cysylltwch [â penodiadaucyhoeddus@llyw.cymru](mailto:penodiadaucyhoeddus@llyw.cymru)

Os oes gennych nam neu gyflwr iechyd, neu'n defnyddio laith Arwyddion Prydain, ac yn dymuno trafod addasiadau rhesymol ar gyfer unrhyw ran o'r broses recriwtio hon, cysylltwch â'r Tîm Penodiadau Cyhoeddus gan ddefnyddio'r manylion cyswllt uchod cyn gynted â phosibl, a bydd aelod o'r tîm yn cysylltu â chi i drafod eich gofynion ac i ateb eich cwestiynau.

### Cysylltiadau:

I gael rhagor o wybodaeth am y broses ddethol, cysylltwch â:

Y Tîm Penodiadau Cyhoeddus  
Yr Uned Penodiadau Cyhoeddus  
E-bost: [penodiadaucyhoeddus@llyw.cymru](mailto:penodiadaucyhoeddus@llyw.cymru)

I gael rhagor o wybodaeth am rôl Panel Annibynnol Cymru ar Gydnabyddiaeth Ariannol a rôl yr Aelod, cysylltwch â Leighton Jones, yr Is-adran Democratiaeth Llywodraeth Leol:

Ffôn: 0300 025 3038  
E-bost: [Leighton.jones@llyw.cymru](mailto:Leighton.jones@llyw.cymru)

Os oes angen rhagor o gymorth arnoch chi i wneud cais am y rôl hon, cysylltwch â'r Tîm Penodiadau Cyhoeddus ar [penodiadaucyhoeddus@llyw.cymru](mailto:penodiadaucyhoeddus@llyw.cymru)

I gael rhagor o wybodaeth am Benodiadau Cyhoeddus yng Nghymru, ewch i [www.llyw.cymru/penodiadaucyhoeddus](http://www.llyw.cymru/penodiadaucyhoeddus)

## **Penodi Aelod i Banel Annibynnol Cymru ar Gydnabyddiaeth Ariannol (IRPW)**

### **Disgrifiad o'r rôl a manyleb y person**

Mae hwn yn gyfle cyffrous i fod yn rhan o bennu ystod ac uchafswm y lwfansau sy'n daladwy i:

- Aelodau etholedig Prif Gyngorau
- Aelodau Awdurdodau'r Parciau Cenedlaethol
- Aelodau Awdurdodau Tân ac Achub Cymru
- Cynghorwyr tref a chymuned etholedig

### **Rôl a chyfrifoldebau**

Mae'n ofynnol i'r Panel lunio adroddiad blynyddol, a fydd yn rhagnodi lefel y lwfansau a delir i gynghorwyr ac aelodau o'r sefydliadau a restrir uchod. Caiff y Panel lunio Adroddiadau Atodol ar unrhyw adeg y mae'n credu eu bod yn angenrheidiol. Wrth baratoi ei adroddiadau, mae'n ofynnol i'r Panel ystyried effaith ariannol debygol ei benderfyniadau ar yr awdurdod neu'r awdurdodau dan sylw. Mae aelodau'r panel hefyd yn ystyried unrhyw newidiadau a awgrymir i gyflog Pennaeth Gwasanaeth Cyflogedig, yn ôl yr angen.

### **Disgrifiad rôl yr Aelod**

- Mynychu Cyfarfodydd y Panel i drafod a phennu lefelau cydnabyddiaeth ariannol.
- Ymgysylltu'n effeithiol ag ystod eang o unigolion a sefydliadau ynghylch materion yn ymwneud â chydabyddiaeth.
- Cyfrannu'n weithredol at drafodaethau panel, gan ddarparu her adeiladol lle y bo'n briodol.
- Dadansoddi gwybodaeth a defnydd effeithiol o dystiolaeth i gefnogi penderfyniadau a wneir gan y Panel.
- Cyfraniad at ddatblygu polisi drwy brofiad / gwybodaeth am lywodraeth leol neu ganghennau eraill o wasanaethau cyhoeddus – gan gynnwys paratoi papurau trafod/ysgrifennu adroddiadau.
- Dangos dealltwriaeth ac ymrwymiad i faterion cydraddoldeb a herio arferion gwahaniaethol wrth ymgymryd â rôl Yr Aelod.

## Panel Annibynnol Cymru ar Gydnabyddiaeth Ariannol

### Manyleb y person

Er mwyn cael eich ystyried, rhaid ichi allu dangos bod gennych y rhinweddau, y sgiliau a'r profiad i fodloni pob un o'r meini prawf sy'n hanfodol ar gyfer y penodiad.

### Meini Prawf Hanfodol

**Dylai** pob Ymgeisydd ddangos tystiolaeth o:

- Y gallu i gyfathrebu'n effeithiol, ar lafar ac yn ysgrifenedig ag unigolion sy'n amrywio o aelodau o'r cyhoedd i gynrychiolwyr etholedig ac uwch arweinwyr.
- Y gallu i ystyried a dadansoddi tystiolaeth o ystod eang o ffynonellau a dod i benderfyniadau ar sail y dystiolaeth honno sy'n deg ac yn rhesymol.
- Y gallu i weithio'n hyderus fel aelod o'r tîm ac yn annibynnol yn ôl y gofyn.
- Dealltwriaeth ac ymrwymiad i faterion cydraddoldeb a herio arferion gwahaniaethol.
- Deall egwyddorion bywyd cyhoeddus ac ymrwymo iddynt; ([Egwyddorion Nolan](#)).
- Y gallu i weithio mewn ffordd wleidyddol niwtral.
- Dealltwriaeth o bwysigrwydd democratiaeth leol a gwasanaethau cyhoeddus.

### Meini prawf dymunol ar gyfer rôl yr Aelod

- Y gallu i ddeall a siarad Cymraeg
- Ymwybyddiaeth o rôl Cynghorwyr a / neu waith awdurdodau lleol, Awdurdodau Parciau Cenedlaethol ac Awdurdodau Tân ac Achub Cymru.

### Ffeithiau allweddol am y swydd

Lleoliad: Cynhelir cyfarfodydd yng Nghaerdydd a ledled Cymru - ar hyn o bryd mae'r rhain yn cael eu cynnal drwy fideo-gynadledda

Ymrwymiad Amser: 1 diwrnod y mis ac yn ôl yr angen

Hyd y penodiad: Hyd at bedair blynedd

Tâl: £282 y dydd. Mae gan Aelodau hawl hefyd i gael costau teithio a threuliau eraill o fewn terfynau rhesymol.

### Pwy sy'n gymwys i wneud cais

Mae'r canlynol wedi'u hanghymhwyso rhag bod yn Aelod o'r Panel;

- Aelod o'r Senedd
- Aelod o Dŷ'r Cyffredin
- Aelod o Dŷ'r Arglwyddi
- Aelod o Senedd Ewrop
- Aelod o brif gyngor neu gyngor tref neu gymuned
- Person sydd wedi ei anghymhwyso rhag bod yn aelod o brif gyngor neu gyngor cymuned

## **Panel Annibynnol Cymru ar Gydabyddiaeth Ariannol**

Gallai hyn gynnwys meini prawf anghymhwysu neu gymhwysedd penodol neu feini prawf cymhwysedd lle mae Deddf Anghymhwysu Tŷ'r Cyffredin 1975 neu orchmynion a wnaed dan Ddeddf Llywodraeth Cymru 2006 yn berthnasol.

Dylai ymgeiswyr hefyd nodi y bydd bod yn aelod o Banel Annibynnol Cymru ar Gydabyddiaeth Ariannol yn golygu na fyddant yn gymwys i fod yn aelod o Gynulliad Cenedlaethol Cymru o dan Orchymyn Cynulliad Cenedlaethol Cymru (Anghymhwysu) 2016. <http://www.legislation.gov.uk/ukxi/2015/1536/contents/made>.

### **Gwrthdaro Buddiannau**

Wrth wneud cais bydd gofyn ichi ddatgan unrhyw fuddiannau preifat a allai fod, neu y gellid dehongli eu bod, yn gwrthdaro â'ch rôl a'ch cyfrifoldebau fel Aelod o aelod o Banel Annibynnol Cymru ar Gydabyddiaeth Ariannol, gan gynnwys buddiannau busnes neu swyddi o awdurdod y tu allan i'r rôl ar Banel Annibynnol Cymru ar Gydabyddiaeth Ariannol.

Bydd unrhyw wrthdaro buddiannau yn cael ei drafod yn y cyfweiliad. Os cewch eich penodi, bydd disgwyl ichi hefyd ddatgan y buddiannau hyn ar gofrestr sydd ar gael i'r cyhoedd.

### **Safonau mewn bywyd cyhoeddus**

Bydd disgwyl ichi arfer safonau uchel o ran ymddygiad corfforaethol a phersonol. Bydd gofyn i'r holl ymgeiswyr llwyddiannus gydymffurfio â Chod Ymddygiad Aelodau Byrddau Cyrff Cyhoeddus. Gallwch weld y ddogfen yma:

<https://www.gov.uk/government/publications/code-of-conduct-for-board-members-of-public-bodies>[Mae fersiwn Gymraeg ar gael gan yr Uned Penodiadau Cyhoeddus]

## **Rôl a chyfrifoldebau Aelod o Banel Annibynnol Cymru ar Gydnabyddiaeth Ariannol**

### **Cefndir**

Mae'r Panel yn annibynnol ar Lywodraeth Cymru a llywodraeth leol. Fe'i sefydlwyd yn barhaol yn wreiddiol i bennu ystod a lefelau'r lwfansau sy'n daladwy gan gynghorau sir a chynghorau bwrdeistref sirol i'w cynghorau a'u haelodau cyfetholedig sydd â hawliau pleidleisio.

Estynnodd Mesur Llywodraeth Leol (Cymru) 2011 y cylch gwaith a rhoddodd ei statws statudol presennol i'r Panel,. Mae ei gyloch gwaith bellach hefyd yn cynnwys cynghorau tref a chymuned, Awdurdodau Parciau Cenedlaethol ac awdurdodau tân ac achub. Yna cafodd cylch gwaith y Panel ei ymestyn ymhellach yn 2014, a gall y Panel hefyd wneud argymhellion mewn perthynas ag unrhyw gynnig i newid cyflog Pennaeth y Gwasanaeth Cyflogedig (HoPS) yn ôl yr angen.

### **Aelodaeth**

Mae'r Panel fel arfer yn cynnwys Cadeirydd a phedwar Aelod arall. Rhaid i'r Panel benodi un o'i Aelodau yn Is-gadeirydd. Rhaid i'r Panel gyfarfod o leiaf unwaith bob mis calendr. Y cworwm ar gyfer cyfarfodydd yw tri a rhaid iddo gynnwys naill ai'r Cadeirydd neu'r Is-gadeirydd.

### **Sefydliadau y mae'r Panel yn penderfynu ar gydnabyddiaeth ariannol ar eu rhan**

#### **Prif Gyngorau**

Mae'r 22 prif gyngor ar Gymru yn gyfrifol am ystod eang iawn o wasanaethau, y mae llawer ohonynt yn statudol (h.y. mae'n ofynnol yn gyfreithiol iddynt eu cyflawni). Dyma rai ohonynt:

- Addysg er enghraifft darparu ysgolion, trafndiaeth i gludo plant i'r ysgol a darparu cyfleoedd ar gyfer dysgu oedolion
- Tai megis dod o hyd i lety i bobl mewn angen a chynnal tai cymdeithasol
- Gwasanaethau Cymdeithasol er enghraifft gofalu am blant, pobl hŷn a phobl anabl a'u diogelu
- Priffyrdd a Thrafnidiaeth gan gynnwys cynnal a chadw ffyrdd a rheoli llif traffig
- Rheoli Gwastraff gan gynnwys casglu sbwriel ac ailgylchu
- Gwasanaethau Hamdden a Diwylliannol er enghraifft darparu llyfrgelloedd, gwasanaethau hamdden a lleoliadau celfyddydol
- Diogelu Defnyddwyr megis gorfodi safonau masnach a thrwyddedu tacsis



## **Panel Annibynnol Cymru ar Gydabyddiaeth Ariannol**

- Iechyd a Gwasanaethau'r Amgylchedd er enghraifft sicrhau bod y bwyd a ddarperir mewn tafarndai a bwytai yn ddiogel i'w fwyta, a rheoli llygredd yn lleol
- Cynllunio gan gynnwys rheoli datblygiad lleol a sicrhau bod adeiladau'n ddiogel
- Datblygu Economaidd er enghraifft denu busnesau newydd ac annog twristiaeth
- Cynllunio at Argyfwng ar gyfer pethau fel llifogydd neu ymosodiadau terfysgol

### **Cynghorau Tref a Chymuned**

Mae dros 735 o gynghorau tref a chymuned yng Nghymru gyda dros 8000 o gynghorwyr. Mae lefelau'r gwasanaethau y mae'r cynghorau hyn yn eu darparu yn amrywio ledled Cymru, ac er bod rhai yn fach ac yn gweithredu'n bennaf fel llais cymunedol, mae llawer hefyd yn darparu amrywiaeth o wasanaethau ar ran y gymuned megis:

- cynnal a chadw neuaddau cymunedol
- llochesi bysiau
- manau cyhoeddus
- tir chwarae

### **Awdurdodau Parciau Cenedlaethol**

Mae tri Awdurdod Parc Cenedlaethol Cymru yn gweithio mewn partneriaeth fel Parciau Cenedlaethol Cymru. Mae Parciau Cenedlaethol Cymru yn hyrwyddo dibenion a buddiannau tri Pharc Cenedlaethol Cymru; Bannau Brycheiniog, Arfordir Sir Benfro ac Eryri.

Mae Parciau Cenedlaethol Cymru yn rhoi modd i Awdurdodau Parciau Cenedlaethol nodi materion sydd o ddiddordeb ar y cyd a chytuno ar allbynnau. Mae gwybodaeth a phrofiadau'n cael eu rhannu rhwng cydweithwyr, llunwyr polisi, cymunedau lleol o fewn y Parciau Cenedlaethol ac ymwelwyr â'r ardaloedd gwarchoddedig hyn.

Mae Awdurdodau Parciau Cenedlaethol yn cynnwys aelodau etholedig o'r prif gynghorau o fewn ffiniau'r parciau cenedlaethol ac aelodau a benodir gan Weinidogion Cymru.

### **Awdurdodau Tân ac Achub**

Cafodd y tri Gwasanaeth Tân ac Achub yng Nghymru - Canolbarth a Gorllewin Cymru, Gogledd Cymru a De Cymru - eu ffurfio fel rhan o ad-drefnu Llywodraeth Leol ym 1996. Mae'r Awdurdodau Tân ac Achub yn cynnwys aelodau etholedig a enwebir gan y Prif Gynghorau o fewn ardal y Gwasanaeth Tân ac Achub.

## Y broses ddethol

Bydd y panel cyfweld yn asesu CV a datganiad personol pob ymgeisydd i benderfynu pwy sy'n bodloni'r meini prawf ar gyfer y rôl orau, a phwy fydd yn cael eu gwahodd i gyfweliad. Bydd y panel yn dibynnu ar yr wybodaeth yn eich CV a'r datganiad i asesu a ydych yn meddu ar y sgiliau a'r profiad gofynnol. Sicrhewch eich bod yn darparu tystiolaeth i ddangos sut rydych yn bodloni pob un o'r meini prawf hanfodol.

Caiff y panel dethol ei gadeirio gan Lisa James, Dirprwy Gyfarwyddwr, Is-adran Democratiaeth Llywodraeth Leol Llywodraeth Cymru a bydd hefyd yn cynnwys John Bader, Cadeirydd Panel Annibynnol Cymru ar Gydnabyddiaeth Ariannol a Daniel Hurford, Pennaeth Polisi a Llywodraethu, Cymdeithas Llywodraeth Leol Cymru fel yr aelod annibynnol o'r panel recriwtio.

Gan ddibynnu ar nifer y ceisiadau a ddaw i law, efallai y bydd eich cais yn cael ei roi ar restr hir cyn cael ei roi i'r panel sy'n llunio rhestr fer i'w ystyried. Dylech fod yn ymwybodol efallai na fydd eich cais yn cael ei ystyried yn llawn gan y panel cyfan mewn sefyllfa fel hon.

Rydym yn rhag-weld y bydd y panel wedi penderfynu yn ystod Tachwedd 2020 pwy fydd yn cael ei wahodd i gyfweliad ym mis Rhagfyr 2021. Mae'n debygol y cynhelir y cyfweliadau hyn drwy fideo-gynadledda.

Dim ond yr ymgeiswyr cryfaf y mae'r panel yn credu sydd wedi dangos eu bod yn bodloni'r meini prawf a nodwyd yn adran manyleb y person orau fydd yn cael eu gwahodd i gyfweliad. Fodd bynnag, os ydych wedi ymgeisio o dan y cynllun gwarantu cyfweliad, ac yn **bodloni'r meini prawf hanfodol** ar gyfer y swydd, cewch chithau hefyd eich gwahodd i gyfweliad.

Os cewch eich gwahodd i gyfweliad ac nad yw'r dyddiad eisoes wedi'i nodi yn y pecyn gwybodaeth hwn, ein nod yw rhoi cymaint o rybudd â phosibl ichi o ddyddiad y cyfweliad. Os na allwch fod yn bresennol ar y dyddiad hwnnw, fe wnawn ymdrechu i aildrefnu ond efallai na fydd hyn yn bosibl oherwydd cyfyngiadau amser o fewn yr amserlen benodi neu argaeledd y panel dethol.

Fe gewch e-bost gan system benodi Llywodraeth Cymru i roi gwybod ichi a ydych wedi eich gwahodd i gyfweliad ai peidio.

Os cewch eich gwahodd i gyfweliad, bydd y panel yn eich holi ynghylch eich sgiliau a'ch profiad ac yn gofyn cwestiynau penodol i asesu a ydych yn **bodloni'r meini prawf** a osodwyd ar gyfer y swydd ai peidio.

Bydd yr ymgeiswyr y bydd y panel yn credu eu bod yn addas i'w penodi yn cael eu hargymell i'r Gweinidogion, a fydd yn gwneud y penderfyniad terfynol. Gall y Gweinidog ddewis cyfarfod â'r ymgeiswyr hyn cyn gwneud penderfyniad. Os felly, bydd yn cyfarfod â'r holl ymgeiswyr ym mhresenoldeb cadeirydd y panel neu ei gynrychiolydd enwebedig. Bydd bwllch amser rhwng y cyfweliad a'r penderfyniad penodi terfynol. Bydd yr ymgeiswyr a gafodd eu cyfweld yn cael yr wybodaeth ddiweddaraf.

## **Panel Annibynnol Cymru ar Gydnabyddiaeth Ariannol**

Os byddwch yn llwyddiannus, cewch lythyr yn eich penodi'n Aelod o Banel Annibynnol Cymru ar Gydnabyddiaeth Ariannol, a bydd y llythyr hwnnw hefyd yn cadarnhau o dan ba amodau y caiff y penodiad ei gynnegi ichi.

Os na fyddwch yn llwyddiannus yn dilyn eich cyfweiliad, byddwch yn cael gwybod drwy ganolfan benodi Llywodraeth Cymru. Rydym yn gwerthfawrogi bod angen llawer o amser ac ymdrech er mwyn ymgeisio am rolau, ac felly mae rhoi adborth yn rhan werthfawr o'r broses. Felly, bydd y llythyr yn cynnwys manylion yr unigolyn y gallwch gysylltu ag ef i gael adborth ar eich cyfweiliad a'ch cais, os dymunwch wneud hynny.

### **Ymholiadau**

Oes gennych gwestiynau am eich cais, cysylltwch â penodiadaucyhoeddus@llyw.cymru.

### **Os nad ydych yn hollol fodlon**

Nod Llywodraeth Cymru yw prosesu'r holl geisiadau mor gyflym â phosibl a thrin pob ymgeisydd yn gwrtais. Os oes gennych unrhyw gwynion am y ffordd y deliwyd â'ch cais, cysylltwch â penodiadaucyhoeddus@llyw.cymru.